



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Christiana Institvtio Virtutum & vitiorum sacri uerbi Dei  
declamatoribus admodum vtilis et necessaria**

**Ammiani, Sebastiano**

**Venetiis, 1562**

Fides placet Deo propter tria.

**urn:nbn:de:hbz:466:1-30415**

placere deo. Quia ipsa est radix & fundamentum omnium bonorum. Vnde in uanum laborauerunt, & laborant, qui sine ea uolunt edificare.

Vnde Pater Augustinus. Videntur ruinam querere, qui sine fide uolunt edificare. Et Paulus. Fundamentum aliud nemo potest ponere, nisi Iesum Christum, idest fidem Iesu Christi.

Gregorius sicut rami sine uirtute radicis arescunt, ita quelibet opera licet bona uideantur, nulla sunt, si a fidei soliditate disiungantur. Quantum uero ad tertium incitamentum, fides deo multum placet. Vnde Ecclesiasticus fides & mansuetudo deo placet.

Hierem. Domine oculi tui respiciunt fidem. De hac materia require in sequenti capite. Beneplacitum est deo. Quartum est quia diabolo multum displicet. De hac materia uide in secundo capitulo. Quintum additur, quia homini multum prodest. sed de materia hac in tertio capitulo uide.

Augul.

Greg.

Eccl. 5.

Hier. 5.

*Fides placet deo propter tria.*

**P**Rimo, quia fides est porta, per quam princeps uniuersorum intrat ad cor hominis. sicut legitur de Beata Virgine, quia prius in-

CHRISTIANA

trauit filius Dei in mentem uirginis per fidem quam in uentrem. Vnde in **Luc. 1.** Luca dicitur. Beata quæ credidisti, quoniam perficientur ea, quæ dicta sunt tibi à domino. Et Pater Augustinus. Beatior fuit Maria percipiendo fidem Christi, quam concipiendo carnem Christi. Secundo, quia fides in mente signum regium ponit, idest, filium Dei in cruce pendentem. Tertio, quia solis fidelibus benedictiones dabit. Vnde apud Ioannem dicitur. **Ioã. 20. Luc. 10.** Beati qui non uiderunt & crediderunt. Et apud Lucam. Beati oculi qui uident, quæ uos uidetis. Et Paulus. **Gall. 3.** Qui ex fide sunt, benedicentur cum fidei Abraham.

*Fides displicet diabolo propter quatuor.*

**P**rimo, quia fides non cessat diabolo contumeliam facere. ipsa nanque ostendit eum nullius creature Deum esse, & auctorem solius mali; & propter culpam suam iudicatum iam esse. **Io. 16.** Princeps huius mundi iam iudicatus est. Secundo, quia per fidem ei ubique resistitur. Vnde Petrus admonebat nos inquitens. **1. Pet. 5.** Cui resistite fortes in fide, &